

幾而柳泌伏誅 彼林靈素魏漢津論黃誇白出入禁庭其於宋
徽宗時亦奚有 終身哉甚矣小人好進而中主多愚矣善夫李
藩之言曰道盛 德充人安國理何憂無堯舜之壽耶善夫張臯
謂穆宗曰神慮 淡則血氣和嗜慾甚則疾疹作藥以攻疾無疾
不可餌也善夫 王昭素謂宋太祖曰治世莫若愛民養心莫若
寡慾善夫裴燐 諫憲宗疏畧曰方士難信也世有真仙彼必深
潛崖壑惟畏人 知凡伺候權門自炫奇伎者皆不軌徇利之人
也三丰先生是 真隱亦是真遜其立身願效嚴法戴盧陶潛林
逋其規箴願師 軒轅希夷而兼師其高尚但願求我者轉而忘
我詔我者轉而 遺我則我與八遜後先爭高而爲聖朝之大遜
道藏輯要

三丰全集 古文

三

續畢集七
大上州

自題勅封通微顯化真人誥命後跋

從古稱真人者 必須外達真氣內涵真心入有真操出有真守
實之而得夫真 道棄世而不戀世避人而不見人不爲勢利所
羈勒不以黃白 欺世主豈若方術之士謬邀錫命而不自忤乎
由漢迄宋其間 明元機者如吾尊崇之八遜清風峻節或逃名
或卻聘或功成 勇退或世衰遜藏其懷真不露奚常以長生藥
銜朝廷哉余幼 耽元理晚得真詮狂放自如實厭流俗竊以真
人真君錫自上 帝者爲寶人間敕封何足貴哉夫惟天順皇帝
亦明亦決廟諱 英宗賜我誥命乃受承之至若成化嘉靖之間

番僧割巴妖僧繼曉封國師禪師方士則鄧常恩李孜省邵元節陶仲文唐秩劉文彬以及羽流數百均係阿比宵小設詭貪奸妄稱法師普號真人汜濫無涯笑罵史冊當是時砥礪亂玉魚目混珠決不受此誥也厥後或誅或罷追奪前封殆無遺匿快哉樂哉豈非上帝鄭重勅典不肯與人間濫予匪徒而默削其浮名也哉大元遺老三丰道人書

與明冰壺道法會同疏

伏以大道至大賴太上以傳機精微至精冀全真之演教法非道無以資其本原道非法無以顯其妙用道法兼備體用圓融切念洞春寓明玉家時詭云姓龐名洞春天水雲游江湖懶散悼彼日月已興

道藏輯要

三丰全集 古文

十三

續一
又上三

大耋之嗟顧我行藏幸邁桑榆之景或棲遲於林壑或窈窕於崖溪周孔諸書聊發端於幼稚老聃道德畧適意於龐眉霞友雲朋動念漫游方外至人異士垂憐踟躕世間指以元微得朽腐再生之橐籥蹈斯蹊徑見劫刃不隕之卷阿紅鉛黑鉛煅煉方成影響金液玉液坐卧畧致疏通雖未臻了道之涯固已騁造元之轍倒拖藜杖入中陽之洞天詢此華封是內江之勝治昨蒙冰壺先生屈身問道投以琅函專志輪忱敷陳楮幣雖初覲高明之面已稔聞清雅之音六甲風雷頓能藏於符篆三天將吏率已屬於指揮拯難扶危濟人利物公欲將此妙法貽我我能不以元機奉公一 本有我幸遇鶴頸魚公亦逢犢鼻鼠耳膠漆相投當無離